

Enakmen p'raya tempatan PP sudah diwarta
MalaysiaKini.com
16 Ogos, 2012
Oleh Susan Loone

Kerajaan Pulau Pinang hari ini mengumumkan bahawa enakmen berhubung pilihan raya tempatan negeri itu telah diwartakan pada 5 Julai lalu.

Ahli majlis Chow Kon Yeow berkata, beliau sudah menerima salinan pencetak enakmen itu hari ini.

Chow, yang juga ketua DAP negeri, berkata, enakmen yang diluluskan oleh Dewan Undangan Negeri (DUN) pada 9 Mei itu kini "sudah menjadi undang-undang".

"Enakmen itu kini menjadi undang-undang walaupun tarikh pelaksanaan pilihan raya tempatan belum diumumkan," katanya dalam sidang media hari ini.

Ini bermaksud, sekiranya Suruhanjaya Pilihan Raya (SPR) memutuskan mengadakan pilihan raya tempatan, Pulau Pinang akan menjadi negeri pertama menjalankan proses yang tidak lagi dilaksanakan sejak 1969 itu.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/206511>